



UNIVERSITÄTS-
BIBLIOTHEK
PADERBORN

Annvæ Provinciæ Aqvitaniæ, 1652.

[urn:nbn:de:hbz:466:1-67908](https://nbn-resolving.org/urn:nbn:de:hbz:466:1-67908)

ANNVÆ PROVINCIÆ
AQVITANIÆ, 1652.



Quitaniæ Provincia, è socijs
quingenta supra trecentos,
numerat Sacetdotes centum
octoginta, per domicilia quin-
decim naviter occupatos.

§ 1. *Fundatio Collegij.*

1. Pictaviense Collegium varijs vario-
rum donis jam antehac excitatum, hoc de-
mum anno augustum stabilimen accepit,
quando Ludovicus XIV. Rex Christianissi-
mus ejus Collegij se Fundatorem professus,
præter ea quibus hæctenus alebatur, illi ex
ærarario Regio mille aureos assignavit.

§ 2. *Ecclesiæ Catholicæ restituti.*

Missionum proventus.

2. In Lascariensis Episcopi, & Bearnicæ
Proregis missiones è Palensi Collegio itum.
Tres Patres dati singulis ad tres menses. ne-
cessaria suppeditante Prorege atq; Episco-
po. Odia, pellicatúsq; sublato, Catechi-
smos metro cantatos, frequentiam populi
tantam, ut templis capi non posset, omit-
to. Illud singulare, quod sint generales pas-
sim omnium ferè confessiones audita.

3. E septem illis, qui ad orthodoxam
Eccle-

Ecclesiam sunt traducti, unius non dissimulanda resipiscendi occasio. Is nuper coram Augustissimo Sacramento solenni supplicatione circumlato, unum è patribus petulanti ausu invasit verbo primùm, tum etiam manu. Haud ita multo post idem, seu sui facti indignitate percussus, seu singulari patientissimi modestissimiq; Patris virtute attonitus, hæresim ejuravit, tanto sensu liquidæ pietatis, ut magnopere permotis circum hæreticis, debitas impiæ ac temerariæ audaciæ suæ pœnas luere sponte ipse suâ ultro petierit.

4. Burdigalæ fœmina, & claritudine stirpis nobilis, & dignitate primaria, cum in Domûs Professæ templo ritu solenni hæresim ejuraret, exempli nobilissimi novitate tantam spectatorum coronam accivit, ut eum tribus regij sanguinis principibus flos totius nobilitatis confluerit, ac templum ipsum affluentem confertim populo fuerit perangustum, neq; omnium capax.

5. Apud Lemovicos vir nobilis, qui Calvinista licet, nescio quo tamen instinctu divinitatis multos jam annos Beatissimam Dei parentem præcipuâ veneratione coluerat, ejusq; præsidio varias fortunæ tempestates effugerat, hoc anno se nostro cuidam in fide instituendum dedit, eamq; in ma-

gno vicinæ Nobilitatis concursu atq; gratulatione, damnatâ palàm hæresi, est amplexus.

6. Id etiam fidei bono factum, quod in lucem datus P. Joannis Martinon Anti. Jansenius, incredibili cum Lutetiæ, tum reliquæ Galliæ approbatione sit acceptus.

§ 3. *Sacramenta & Sancti.*

7. Nescio quid suavioris levamenti persentiscere se fatentur quidam, iiq; nec pauci, & persæpè, qui peccata etiam alio in loco in Sacramento detecta, nostris tamen iterum aperiunt, maximèq; cupiunt unum è nostris nancisci, qui adsit hinc ad æterna migrantibus.

8. Pictavij cuidam vehementiùs excaescenti dæmon se videndum objecerat specie formidabili, & furoris nescio quam intemperiem incuriente in pectus. unde ille se à spectro illo sensit non tantum invitari, aut incitari ad gulam laqueo elidendam, verùm injectâ quasi manu perpelli. Et fuit, cum invisam manum ad laqueum urgentis persentisceret, adeoq; ab illa teneretur, ut nec ille se, nec illum vicini accurrentes, à cruentæ bellæ unguibus potuerint expedire. Adfuit fortè interea boni Dei ductu è nostris Pater quispiam, qui hominem lustralis aquæ ope sibi ac Deo reddidit, cum
jam

jam semianimis hiaret, attonito stupore plenus: postero verò die Sacramentorum, mysterijs in templo nostro à dæmonis atq; conscientiæ terriculamentis prorsus exemit, ac ille se sanæ piæq; mentis deinceps compotem lætatus est.

9. S. Patris Ignatij numismata, & imagines, atq; reliquiæ, miris omninò modis laborantes in partu matres in pluribus locis adjuvère. Voto in S. Franc: Xaverij venerationem concepto Burdigalæ undecim annos nata parvula, medicis nihil jam de spe vitæ loquentibus, eodem die, ijsdem vim humanâ majorem admiratione magnâ agnoscentibus, à feбри libera, deinde sanitati est penitus restituta

ANNVÆ PROVINCIAE AVSTRIÆ.

I. **S**eptingentos, & septem ac sexaginta socios, atque hos inter Sacerdotes trecentos & sexaginta recensuère viginti duo Austriacæ Provinciæ Collegia, cum Domo Tironum alterâ, & altera Professorum, domiciliisq; adnexis. Aucta est Provincia novo, & in ipsis suis velut incunabulis multa passo, eòq; in spes majores assurgente Tren-